

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 46. stav (4) u vezi sa članom 37. stav (1) Zakona o izvršavanju Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 152. sjednici, održanoj dana 20.07.2018. godine, d o n o s i

ZAKLJUČAK

I.

Usvaja se Polugodišnji izvještaj o realizaciji Programa utroška sredstava od koncesija za 2018. godinu Ministarstva za poljoprivredu, šumarstvo i vodoprivredu, koji čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/18.

Datum, 20.07.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**POLUGODIŠNJI IZVJEŠTAJ O REALIZACIJI
PROGRAMA UTROŠKA SREDSTAVA OD KONCESIJA
ZA 2018. GODINU**

ZENICA, juli 2018. godine

Vlada Zeničko-dobojskog kantona je Zaključkom broj: 02-14-5349/18 od 26.03.2018. godine usvojila Program utroška sredstava od koncesija za 2018. godinu (u daljem tekstu: Program), kojim su planirana sredstva u iznosu od 130.000,00 KM (slovima: stotintridesethiljada konvertibilnih maraka). Navedena sredstva se prikupljaju od naknada za koncesije na vodama, koja pripadaju Ministarstvu za poljoprivredu, šumarstvo i vodoprivredu.

S obzirom da je Programom rada Vlade Zeničko-dobojskog kantona za 2018. godinu u mjesecu julu planirano razmatranje Polugodišnjeg izvještaja o realizaciji Programa utroška sredstava od koncesija za 2018. godinu, Ministarstvo za poljoprivredu, šumarstvo i vodoprivredu je izradilo izvještaj o utrošku sredstava iz navedenog Programa.

U izvještajnom periodu nije bilo utroška sredstava po Programu, a u nastavku je dat pregled izvršenih aktivnosti po planiranim projektima.

- 1. Naziv projekta:** Izrada Sudije o ekonomskoj opravdanosti dodjele sa idejnim rješenjem MHE Grabovica na gradskom vodovodnom sistemu Olova

Izvršene aktivnosti: U vezi sa zaključenim Ugovorom o izradi Studije o ekonomskoj opravdanosti sa idejnim rješenjem MHE Grabovica, izvršilac je dostavio Ministarstvu predmetnu Studiju. Komisija, imenovana od strane Ministra za praćenje izrade Studije, zapisnički je konstatovala da ista ne sadrži sve elemente iz projektnog zadatka, pa je traženo od izvršioca da otkloni navedeni nedostatak, nakon čega slijedi obrada ispostavljene fakture za izvršenu uslugu.

Iznos sredstava: 9.243,00 KM

- 2. Naziv projekta:** Izrada Sudije o ekonomskoj opravdanosti dodjele sa idejnim rješenjem hidroenergetskog iskorištenja slivnog područja rijeke Očevlje za potencijalnu gradnju malih hidroelektrana, općina Vareš

Izvršene aktivnosti: U vezi sa zaključenim Ugovorom o izradi Studije o ekonomskoj opravdanosti sa idejnim rješenjem hidroenergetskog iskorištenja slivnog područja rijeke Očevlje za potencijalnu gradnju malih hidroelektrana, izvršilac je dostavio Ministarstvu predmetnu Studiju. Komisija, imenovana od strane Ministra za praćenje izrade Studije, zapisnički je konstatovala da ista ne sadrži sve elemente iz projektnog zadatka, pa je traženo od izvršioca da otkloni navedeni nedostatak, nakon čega slijedi obrada ispostavljene fakture za izvršenu uslugu.

Iznos sredstava: 5.791,50 KM

- 3. Naziv projekta:** Izrada studija o opravdanosti dodjele koncesija na vodama, za revitalizaciju izvorišta voda koja se mogu dati na koncesiju, za izradu potrebne projektne dokumentacije i za druge aktivnosti i stručne poslove koji se odnose na koncesije na vodama, kao i za finansiranje ili sufinansiranje projekata prema aplikacijama općina za ove namjene prema programima općina, uz prethodno odobrenje Vlade Zeničko-dobojskog kantona

Izvršene aktivnosti: U izvještajnom periodu nije bilo aktivnosti po ovom projektu.

Iznos sredstava: 114.965,50 KM

